



20. maj 2010

Inatsisartut suleriaasianni § 36 imm. 1 naapertorlugu Naalakkersuisunut apeqqutit imaattut matumuuna saqqummiuppara:

Naalakkersuisunut apeqqut:

1. Qasigiannuani nakorsaarutissava?

2. Sooq ernisunik ikiuuttarneq Aasianniinaq ingerlanneqartalerniarpa, erniniartut Qasigiannuaniit Aasiannut erniartortinneqartalerlutik?

3. Peqqinnissaqarfimmi aaqqissuusseqqinnermi Qasigiannuani ernisoqartuaannartoqassasoq oqaatigineqartoq sooq eqqortinneqanngila?
(Kristian Jeremiassen, Siumut)

Tungavilersuut:

Uggornarpoq Qasigiannuanilu innuttaasunut tamanut pitsaasuunani erniniartut illoqarfigisaminniit aallartalerliarnerat, tamanna assut ilaqutariinnut sunniuteqassooq pingaartumik qitornartaarniartunut, peqqinnissaqarfimmi aaqqissuusseqqinneq eqqartorneqalermaat paasinarpoq peqqissutsimut pisortaqarfimmiit oqaatigineqarmat pisarnertut naartusut maani illoqarfimmi Qasigiannuani ernisarnerat ingerlaannassasoq oqaatigineqarmat, kisiannili aaqqissuusseqqinnerup piviusunngulernerani ajornerusumik kinguneqarniartoq erserpoq.

Pinngitsaalisalluni aallarluni erniartorluni misigissutsit assigiinngitsut ilaqutariinnut takkussuuttarput, meerartaarnermi tassaavoq inuunermi misigisanut nuannerperpaanut ilaasoq, pingaartumik aamma ilaqutariit akornanni nuannersumik sunniuttartoq. Qasigiannuaniit ilaqqat qimallugit erniartortoqartalerneratigut maqaasineq kiserliornerlu annertoq atorneqalersussaapput, tamannalu ilaqutariinnut peqqinnanngilaq.

Paaserusuppara Qasigiannuani nakorsaarunniarnerseq, isumaqarpunga nakorsaaruppat illoqarfimmiunut ernumanartuusoq, tassami pingaaruteqartuaannarsimavoq illoqarfimmi allanisuulli maani illoqarfimmi nakorsaqartuaannarnissaa. Erniniartut Aasiannut erniartortittalernissaannut peqqutaanerpa Qasigiannugit Nakorsaarunnissaat?

Peqqissutsimut Naalakkersuisumut qinnutigivara nassuiassagaa sooq siunertaq allanngortinneqarsimanersaq, tassa erniniartut sooq Qasigiannuaniit Aasiannut aallartittalerliarneraat?

Inussiarnersumik inuulluarit

Kristian Jeremiassen
Inatsisartunut ilaasortaq, Siumut